



Broj: 02-50-1-16-28/09

Sarajevo: 27.4.2009. godine

ZAPISNIK

**28. sjednice Doma naroda
Parlamentarne skupštine Bosne i Hercegovine,
održane 27.4.2009.godine**

Sjednica je počela u 11,20 sati.

Sjednicom je predsjedavao Ilija Filipović, predsjedavajući Doma naroda Parlamentarne skupštine BiH.

Sjednici je prisustvovalo 13 delegata.

Delegati Sulejman Tihic i Mladen Ivanić opravdali su odsustvo.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija i sredstava javnog informiranja.

Dom naroda usvojio je sljedeći izmijenjeni i dopunjeni

D N E V N I K

1. Odgovori na delegatska pitanja i delegatska pitanja;
2. Usvajanje Zapisnika 27. sjednice Doma naroda;
3. Izvještaj Zajedničke komisije o nastojanju za postizanje saglasnosti o identičnom tekstu Zakona o dopuni Zakona o Javnom radiotelevizijskom sistemu BiH;
4. Zahtjev Predstavničkog doma za razmatranje Prijedloga zakona o izmjenama i dopunama Zakona o slobodi pristupa informacijama po hitnom postupku, u skladu s članom 122. Poslovnika Doma naroda;
5. Zahtjev Predstavničkog doma za razmatranje Prijedloga zakona o dopuni Zakona o plaćama i naknadama u institucijama BiH po hitnom postupku, u skladu s članom 122. Poslovnika Doma naroda;
6. Prijedlog zakona o dopuni Zakona o carinskoj tarifi BiH (drugo čitanje), predlažać: Vijeće ministara BiH;
7. Prijedlog zakona o zrakoplovstvu BiH (drugo čitanje), predlažać: Vijeće ministara BiH;
8. Prijedlog zakona o Agenciji za pružanje usluga u zračnoj plovidbi (drugo čitanje), predlažać: Vijeće ministara BiH;
9. Prijedlog zakona o izmjenama i dopunama Zakona o ministarstvima i drugim organima uprave BiH (drugo čitanje), predlažać: Vijeće ministara BiH;
10. Prijedlog zakona o izmjenama i dopunama Zakona o državnoj službi u institucijama BiH (drugo čitanje), predlažać: Vijeće ministara BiH;
11. Prijedlog zakona o izmjenama i dopunama Zakona o policijskim službenicima BiH (drugo čitanje), predlažać: Vijeće ministara BiH;
12. Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera (drugo čitanje), predlažać: Vijeće ministara BiH;

13. Prijedlog zakona o zaštiti domaće proizvodnje u okviru Sporazuma CEFTA (prvo čitanje), predlagač: Predstavnički dom;
14. Prijedlog zakona o dopuni Zakona o službenom glasilu BiH (prvo čitanje), predlagač: Predstavnički dom;
15. Prijedlog zakona o izmjenama i dopunama Zakona o finansiranju institucija BiH (prvo čitanje), predlagač: Vijeće ministara BiH;
16. Prijedlog zakona o poštama BiH (prvo čitanje), predlagač: Vijeće ministara BiH;
17. Prijedlog zakona o izmjenama i dopunama Zakona o Državnoj agenciji za istragu i zaštitu (prvo čitanje), predlagač: Vijeće ministara BiH;
18. Prijedlog zakona o izmjenama i dopunama Zakona o Graničnoj policiji BiH (prvo čitanje), predlagač: Vijeće ministara BiH;
19. Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje (prvo čitanje), predlagač: Vijeće ministara BiH;
20. Izvještaj o radu komisija Doma naroda za 2008. godinu:
 - a. Ustavnopravne komisije
 - b. Komisije za vanjsku i trgovinsku politiku, carine, saobraćaj i komunikacije
 - c. Komisije za finansije i budžet
21. Izvještaj o radu zajedničkih komisija za 2008. godinu:
 - a. Zajedničke komisije za odbranu i sigurnost BiH
 - b. Zajedničke komisije za nadzor nad radom Obavještajno-sigurnosne agencije BiH
 - c. Zajedničke komisije za ekonomske reforme i razvoj
 - d. Zajedničke komisije za evropske integracije
 - e. Zajedničke komisije za administrativne poslove
 - f. Zajedničke komisije za ljudska prava, prava djeteta, mlade, imigraciju, izbjeglice, azil i etiku.
22. Izvještaj o radu Vijeća ministara BiH za 2008. godinu;
23. Izvještaj o radu Državne regulatorne komisije za električnu energiju u 2008. godini (podnosilac: Državna regulatorna komisija za električnu energiju);
24. Izvještaj o radu i poslovanju Radio-televizije Bosne i Hercegovine u 2007. godinu;
25. Izvještaj o finansijskom poslovanju Radio-televizije Bosne i Hercegovine u 2007. godinu;
26. Razrješenje Ive Bradvice, ombudsmena za ljudska prava Bosne i Hercegovine, zbog podnošenja neopozive ostavke;
27. Imenovanje tri delegata Doma naroda u Ad hoc komisiju za provođenje procedure imenovanja ombudsmena za ljudska prava umjesto Ive Bradvice;
28. Imenovanje tri delegata iz Doma naroda u Ad hoc komisiju za provođenje procedure za imenovanje:
 - a. Nezavisnog odbora i
 - b. Odbora za žalbe građana, kao nezavisnih tijela policijske strukture BiH;
29. Davanje saglasnosti za ratifikaciju Sporazuma o naučnotehnološkoj saradnji između Vijeća ministara BiH i Vlade Crne Gore;
30. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Crne Gore za 2007. godinu na osnovu instrumenata za pretpristupnu pomoć, komponenta II – prekogranična saradnja;
31. Davanje saglasnosti za ratifikaciju Aranžmana između Vijeća ministara BiH i Vlade Republike Koreje vezano za zajam iz sredstava Fonda za unapređenje ekonomske saradnje;
32. Davanje saglasnosti za ratifikaciju Sporazuma između Vijeća ministara BiH i Vlade Republike Bugarske o međunarodnom drumskom prijevozu putnika i robe;
33. Davanje saglasnosti za ratifikaciju Sporazuma između Kraljevine Belgije i Republike Albanije, Bosne i Hercegovine, Republike Hrvatske, Bivše Jugoslavenske Republike Makedonije, Republike Moldavije, Crne Gore, Republike Srbije i Misije za privremenu

upravu UN-a na Kosovu, u ime Kosova, u skladu s Rezolucijom Vijeća sigurnosti UN-a 1224 o privilegijama i imunitetima Sekretarijata Sporazuma o slobodnoj trgovini u Centralnoj Evropi;

34. Davanje saglasnosti za ratifikaciju Ugovora o izvedbama i fonogramima Svjetske organizacije za intelektualno vlasništvo;
35. Davanje saglasnosti za ratifikaciju Ugovora o autorskom pravu Svjetske organizacije za intelektualno vlasništvo;
36. Davanje saglasnosti za ratifikaciju Sporazuma o zajmu između Vijeća ministara BiH, Vlade Federacije BiH i Vlade Republike Srpske i Izvozno-uvozne banke Koreje (Vladina agencija za EDCF) - Projekat modernizacije bolnica u Bosni i Hercegovini – Faza II;
37. Davanje saglasnosti za ratifikaciju Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta, Finansiranje sistema otpadnih voda u općini Široki Brijeg;
38. Davanje saglasnosti za ratifikaciju Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta, Finansiranje sistema vodosnabdijevanja u općini Ljubuški;
39. Davanje saglasnosti za ratifikaciju Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta, Finansiranje sistema otpadnih voda u općini Fojnica.

Ad.1. Odgovori na delegatska pitanja i delegatska pitanja sjednice Doma naroda

Odgovore na delegatska pitanje dobili su: Slobodan Šaraba, na dva pitanja postavljena na 24. i 25. sjednici, Alma Čolo, na pitanje postavljeno na 25. sjednici, Mladen Ivanić, na pitanje postavljeno na 25. sjednici, Ivo Miro Jović, dva odgovora na pitanje koje je na 27. sjednici obnovio u ime Kluba hrvatskog naroda, Dušanka Majkić, na pitanje postavljeno na 25. sjednici, i Hilmo Neimarlija, na pitanje postavljeno na 24. sjednici.

Delegat Slobodan Šaraba izjasnio se da nije zadovoljan dobivenim odgovorom na pitanje postavljeno na 24. sjednici a da je zadovoljan odgovorom na pitanje postavljeno na 25. sjednici.

Delegat Alma Čolo izjasnila se da je djelimično zadovoljna odgovorom na postavljeno pitanje.

Delegat Ivo Miro Jović izjasnio se da nije zadovoljan dobivenim odgovorom od nadležne institucije te je pitanje postavio općinskom sudu u Sarajevu.

Delegat Dušanka Majkić izjasnila se da je nezadovoljna dobivenim odgovorom.

Delegat Hilmo Neimarlija izjasnio se da je nezadovoljan dobivenim odgovorom te je obnovio pitanje.

Delegat Slobodan Šaraba postavio je sljedeće pitanje ministaru odbrane BiH:

"Zašto Ministarstvo odbrane BiH nije naknadno preispitalo svoju odluku o slanju vojnika u Gruziju nakon što se u toj bivšoj sovjetskoj republici desio tragičan sukob u augustu 2008. godine?"

Delegat Adem Ibrahimpašić postavio je sljedeće pitanje Ministarstvu vanjske trgovine i ekonomskih odnosa BiH:

„U odgovoru na moje pitanje koje glasi „Kada će Ministarstvo vanjske trgovine i ekonomskih odnosa BiH ili postupiti po zahtjevu Odbora pivarske industrije ili ga odbiti“ nedostaju tačke 2.3, 2.4 i 2.5.

Molim da mi se odgovori šta stoji u tim tačkama koje su, očito, trebale biti sastavni dio odgovora na moje pitanje. Pitanje je zaprimljeno pod brojem: 02-50-1-16-24/09.“

Delegat Dušanka Majkić postavila je sljedeća pitanja predsjedavajućem Vijeća ministara BiH:

1. Molim Vijeće ministara BiH da mi dostavi precizne podatke o nacionalnoj strukturi rukovodećih državnih službenika u svih devet ministarstava Vijeća ministara BiH.
Pojedinačnim i ukupnim podacima po nacionalnoj strukturi u ministarstvima treba da budu obuhvaćeni: sekretari, sekretari s posebnim zadatkom i pomoćnici ministara.
2. Dom naroda PSBiH je na sjednici, održanoj 29.1.2009., jednoglasno donio sljedeći zaključak:
Dom naroda traži od Ministarstva komunikacija i prometa BiH da mu, u roku od 15 dana, dostavi cjelovitu informaciju o kriterijima, postupcima i načinu raspodjele CEMT dozvola za 2009. godinu domaćim prijevoznicima.
U informaciju treba uključiti i broj i razlog prigovora prijevoznika, kao i žalbene postupke koji su u toku.

S obzirom da je od navedenog roka prošlo skoro tri mjeseca, molim predsjedavajućeg Vijeća ministara BiH da, posredstvom Ministarstva komunikacija i prometa BiH, omogući dostavljanje cjelovite informacije o kriterijima, postupcima i načinu raspodjele CEMT dozvola za 2009.godinu domaćim prijevoznicima.

Delegat Hilmo Neimarlija postavio je i sljedeće pitanje premijeru Republike Srpske, ministru pravde RS-a, te ministru za izbjeglice i raseljena lica RS-a.

Kada će Fati Orlović iz Konjević Polja biti vraćena imovina i elementarno ljudsko pravo nesmetanog korištenja vlastite kuće i okućnice?

Delegat Ivo Miro Jović postavio je i sljedeće pitanje općinskom sudu u Sarajevu.

"Kako je moguće da oni koji su osuđeni za ratne zločine nad Hrvatima civilima u Grabovici, Nihad Vlahovljak, Haris Rajkić i Sead Karagić, svi osuđeni na 13 godina zatvora presudom Županijskog suda u Mostaru koju je potvrdio Sud BiH 18.9.2008., još uvijek budu na slobodi "

Ad.2. Usvajanje Zapisnika 27. sjednice Doma naroda

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zapisnik 27. sjednice Doma naroda.

Ad.3. Izvještaj Zajedničke komisije o nastojanju za postizanje saglasnosti o identičnom tekstu Zakona o dopuni Zakona o Javnom radiotelevizijskom sistemu BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Zoran Koprivica.

Dom naroda je, sa 12 glasova „za“ i jednim glasom „protiv“, usvojio Izvještaj Zajedničke komisije za usaglašavanje teksta Zakona o dopuni Zakona o Javnom radiotelevizijskom sistemu BiH pa je samim tim i Zakon usvojen.

Ad.4. Zahtjev Predstavničkog doma za razmatranje Prijedloga zakona o izmjenama i dopunama Zakona o slobodi pristupa informacijama po hitnom postupku, u skladu s članom 122. Poslovnika Doma naroda

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: predstavnik predlagača, Sefer Halilović, Slobodan Šaraba i Dušanka Majkić.

Dom naroda je, sa deset glasova „za“, jednim glasom „protiv“ i dva „uzdržana“ glasa, usvojio zahtjev da se Prijedlog zakona o izmjenama i dopunama Zakona o slobodi pristupa informacijama razmatra po hitnom postupku, nakon čega Dom naroda, s četiri glasa „za“, šest glasova „protiv“ i tri „uzdržana“ glasa, **nije usvojio** Zakon o izmjenama i dopunama Zakona o slobodi pristupa informacijama.

Ad.5. Zahtjev Predstavničkog doma za razmatranje Prijedloga zakona o dopuni Zakona o plaćama i naknadama u institucijama BiH po hitnom postupku, u skladu s članom 122. Poslovnika Doma naroda

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Božo Rajić.

Dom naroda jednoglasno je usvojio zahtjev da se Prijedlog zakona o dopuni Zakona o plaćama i naknadama u institucijama Bosne i Hercegovine razmatra po hitnom postupku nakon čega je Zakon o dopuni Zakona o plaćama i naknadama u institucijama BiH jednoglasno usvojen.

Ad.6. Prijedlog zakona o dopuni Zakona o carinskoj tarifi BiH (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: predstavnik predlagača, Mladen Zirojević, Adem Ibrahimpašić, Drago Ljubičić i Slobodan Šaraba.

Dom naroda je, sa 12 glasova „za“ i jednim glasom „protiv“, usvojio Zakon o dopuni Zakona o carinskoj tarifi u identičnom tekstu kao i Predstavnički dom sa sljedećim zaključkom:

Nalaže se Vijeću ministara BiH da, u roku od 15 dana, dostavi Prijedlog zakona o izmjenama i dopunama Zakona o carinskoj tarifi BiH prema potrebama bosanskohercegovačke ekonomije.

Ad.7. Prijedlog zakona o zrakoplovstvu BiH (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, Rudo Vidović i Zoran Koprivica.

Dom naroda je, sa 12 glasova „za“ i jednim „suzdržanim“ glasom, usvojio Zakon o zrakoplovstvu BiH u identičnom tekstu kao i Predstavnički dom.

Ad. 8. Prijedlog zakona o Agenciji za pružanje usluga u zračnoj plovodbi (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovala Alma Čolo

Dom naroda je, sa 12 glasova „za“ i jednim glasom „protiv“, usvojio Zakon o Agenciji za pružanje usluga u zračnoj plovodbi sa sljedećih **10** amandmana.

Amandman I.

U članu 6. stav (1) tačka a) mijenja se i glasi:

“Sva imovina i sredstva nabavljena iz EBRD kredita u okviru realizacije Strategije razvoja sistema upravljanja zračnim saobraćajem u Bosni i Hercegovini (u daljnjem tekstu: BHATM strategija) bit će upisana u knjigovodstvenu evidenciju Agencije nakon njenog osnivanja”.

Amandman II.

U članu 8. stav (1) nakon riječi "obavlja" dodaje se tekst: "Parlamentarna skupština BiH i".

U članu 8. iza stava (1) dodaje se novi stav (2) koji glasi:

"Parlamentarna skupština BiH usvaja razvojnu strategiju, na prijedlog Vijeća ministara BiH".

Dosadašnji stav (2) postaje stav (3).

U novom stavu (3) u tački a) riječi: "razvojnu strategiju i" brišu se.

U istom stavu iza tačke b) dodaje se nova tačka c) koja glasi:

c) “odobrava akt kojim se utvrđuju plaće, platni razredi i posebni dodaci na plaće zaposlenih u Agenciji”.

Dosadašnje tačke c), d), e), f) i g) postaju tačke d), e), f), g) i h).

Amandman III.

U članu 11. tačka e) mijenja se i glasi:

“e) donosi Pravilnik o unutrašnjoj organizaciji i sistematizaciji radnih mjesta, uz saglasnost Vijeća ministara BiH i Etički kodeks Agencije”.

Amandman IV.

U članu 11. tačka i) riječ “osnovicu” zamjenjuje se riječima: “prijedlog osnovice”.

Amandman V.

U članu 14. stav (2) umjesto tačke stavlja se zarez i dodaje tekst: "s tim da ona ne može biti veća od prosječne plaće isplaćene na nivou institucija BiH za prethodnu godinu".

Amandman VI.

U članu 16. stav (4) mijenja se i glasi:

“Prilikom imenovanja članova Uprave, Vijeće ministara BiH dužno je voditi računa o ravnopravnoj nacionalnoj i entitetskoj zastupljenosti”.

Amandman VII.

U članu 17. stav (4) nakon riječi "spriječenosti" stavlja se tačka, a ostatak teksta briše se.

Na kraju stava (4) dodaje se tekst koji glasi: "U tom slučaju zamjenik obavlja sve poslove direktora".

Amandman VIII.

U članu 22. stav (2) mijenja se i glasi:

"Visinu naknada iz stava (1) tačka a) ovog člana koje se odnose na naknade od preleta, na prijedlog direktora Agencije, utvrđuje Vijeće ministara BiH u skladu s obavezama preuzetim iz međunarodnih ugovora. Visinu naknada za ostale usluge koje se pružaju u zračnoj plovidbi, na prijedlog direktora Agencije, utvrđuje Vijeće Agencije".

Amandman IX.

Član 29. stav (2) mijenja se i glasi:

"Vijeće agencije će nakon konstituiranja, u roku od 15 dana, pokrenuti postupak za izbor članova Uprave Agencije i izvršiti imenovanja vršioca dužnosti Uprave Agencije, uz saglasnost Vijeća ministara BiH".

Amandman X.

U članu 31. stav (2) mijenja se i glasi:

"FED CAD i RS CAD prenijet će funkcije prilazne i aerodromske kontrole zračnog saobraćaja na Agenciju najkasnije do tehničko-operativnog uspostavljanja jedinstvenog sistema za pružanje usluga oblasne kontrole zračnog saobraćaja, s pripadajućim operativno-tehničkim službama".

Budući da je Prijedlog zakona **usvojen u različitom tekstu** od teksta koji je usvojio Predstavnički dom, Dom naroda imenovao je sljedeće delegate za **članove Zajedničke komisije za usaglašavanje teksta Zakona**:

Adema Ibrahimpašića
Rudu Vidovića
Zorana Koprivicu.

Dom naroda usvojio je i sljedeći zaključak:

"Dom naroda PSBiH zahtijeva da se urgentno pristupi realizaciji zaključaka Vijeća ministara BiH sa 60. sjednice, održane 25. septembra 2008., koji su doneseni uz Prijedlog zakona o Agenciji za pružanje usluga u zračnoj plovidbi BiH, a najkasnije u roku od 60 dana od donošenja Zakona".

Ad. 9. Prijedlog zakona o izmjenama i dopunama Zakona o ministarstvima i drugim organima uprave BiH (drugo čitanje), predlaže: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio Zakon o izmjenama i dopunama Zakona o ministarstvima i drugim organima uprave BiH u identičnom tekstu kao i Predstavnički dom.

Ad. 10. Prijedlog zakona o izmjenama i dopunama Zakona o državnoj službi u institucijama BiH (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Hilmo Neimarlija, Zoran Koprivica, Božo Rajić, Rudo Vidović i predstavnik predlagača Bariša Čolak.

Dom naroda je, sa 11 glasova „za“, jednim glasom „protiv“ i jednim „suzdržanim“ glasom, usvojio Zakon o izmjenama i dopunama Zakona o državnoj službi u institucijama BiH sa 12 amandmana koji su identični kao i u Predstavničkom domu i jednim amandmanom delegata Zorana Koprivice koji glasi:

Amandman I.

U članu 3. (izuzeci u primjeni)

U stavu (2) iza riječi „sekretari domova i sekretar Zajedničke službe PSBiH“ dodaje se zarez i riječi: „generalni sekretar Vijeća ministara, generalni sekretar Predsjedništva, sekretari ministarstava i pomoćnici ministara i direktora (ureda, direkcija, agencija).

Postupak izbora, mandat te sve ostale potrebne pojedinosti vezano za radni angažman i status, prava i obaveze lica navedenih u stavu (2) bit će utvrđeni drugim aktima“.

Ostali tekst Zakona usklađuje se s naprijed navedenim.

Budući da je Prijedlog zakona **usvojen u različitom tekstu** od teksta koji je usvojio Predstavnički dom, Dom naroda imenovao je sljedeće delegate za **članove Zajedničke komisije za usaglašavanje teksta Zakona**:

Hilmu Neimarliju
Ivu Miru Jovića
Dušanku Majkić

Ad. 11. Prijedlog zakona o izmjenama i dopunama Zakona o policijskim službenicima BiH (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Branko Zrno.

Dom naroda jednoglasno je usvojio Zakon o izmjenama i dopunama Zakona o policijskim službenicima Bosne i Hercegovine u identičnom tekstu kao i Predstavnički dom.

Ad. 12. Prijedlog zakona o izmjenama i dopunama Zakona BiH o izvršenju krivičnih sankcija, pritvora i drugih mjera (drugo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. U raspravi je učestvovao Ivo Miro Jović.

Dom naroda jedoglasno je usvojio Zakon o izmjenama i dopunama Zakona BiH o izvršenju krivičnih sankcija, pritvora i drugih mjera u identičnom tekstu kao i Predstavnički dom sa sljedećim zaključkom:

Zadužuje se Ustavnopravna komisija Doma naroda Parlamentarne skupštine BiH da, nakon objavljivanja Zakona o izmjenama i dopunama Zakona BiH o izvršenju krivičnih sankcija, privora i drugih mjera u „Službenom glasniku BiH“, u najkraćem roku pripremi prečišćeni tekst Zakona BiH o izvršenju krivičnih sankcija, pritvora i drugih mjera, radi otklanjanja svake sumnje u njegovu primjenu.

Ad. 13. Prijedlog zakona o zaštiti domaće proizvodnje u okviru Sporazuma CEFTA (prvo čitanje), predlagač: Predstavnički dom

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Alma Čolo, predstavnik predlagača, poslanik Jerko Ivanković Lijanović, predstavnik Vijeća ministara, ministar Mladen Zirojević, Božo Rajić, Ilija Filipović, Dušanka Majkić, Hazim Rančić, Adem Ibrahimpašić, Rudo Vidović, Branko Zrno, Ivo Miro Jović, Hilmo Neimarlija i Dragan Vrankić predstavnik Vijeća ministara BiH.

Dom naroda je, sa osam glasova „za“ i pet glasova „protiv“, usvojio u prvom čitanju Prijedlog zakona o zaštiti domaće proizvodnje u okviru Sporazuma CEFTA sa sljedećim zaključkom:

Zadužuje se Vijeće ministara BiH i nadležno ministarstvo da zbog poremećaja na tržištu i ogromnog deficita u međusobnoj razmjeni poljoprivrednih proizvoda preduzmu aktivnosti na pronalaženju odgovarajućih rješenja u pravcu zaštite poljoprivredne proizvodnje u Bosni i Hercegovini.

Ad. 14. Prijedlog zakona o dopuni Zakona o službenom glasilu BiH (prvo čitanje), predlagač: Predstavnički dom

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Dušanka Majkić, Hazim Rančić, Ivo Miro Jović, Alma Čolo i Adem Ibrahimpašić.

U prvom krugu glasanja o Prijedlogu zakona o dopuni Zakona o službenom glasilu BiH, sa devet glasova „za“ iz Federacije BiH i dva glasa „protiv“ iz Republike Srpske, nije bilo entitetske većine, pa slijedi usaglašavanje u Kolegiju Doma kao komisiji.

Ad. 15. Prijedlog zakona o izmjenama i dopunama Zakona o finansiranju institucija BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o finansiranju institucija BiH.

Ad. 16. Prijedlog zakona o poštama BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio u prvom čitanju Prijedlog zakona o poštama BiH.

Ad. 17. Prijedlog zakona o izmjenama i dopunama Zakona o Državnoj agenciji za istragu i zaštitu (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o Državnoj agenciji za istragu i zaštitu.

Ad. 18. Prijedlog zakona o izmjenama i dopunama Zakona o Graničnoj policiji BiH (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio u prvom čitanju Prijedlog zakona o izmjenama i dopunama Zakona o Graničnoj policiji BiH.

Ad. 19. Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje (prvo čitanje), predlagač: Vijeće ministara BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s deset glasova „za“ i jednim glasom „protiv“, usvojio u prvom čitanju Prijedlog okvirnog zakona o osnovama naučnoistraživačke djelatnosti i koordinaciji unutrašnje i međunarodne naučnoistraživačke saradnje.

Ad. 20. Izvještaj o radu komisija Doma naroda za 2008. godinu:

- a. Ustavnopravne komisije
- b. Komisije za vanjsku i trgovinsku politiku, carine, saobraćaj i komunikacije
- c. Komisije za finansije i budžet

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio izvještaje o radu komisija Doma naroda za 2008. godinu.

Ad. 21. Izvještaj o radu Zajedničkih komisija za 2008. godinu:

- a. Zajedničke komisije za odbranu i sigurnost BiH
- b. Zajedničke komisije za nadzor nad radom Obavještajno-sigurnosne agencije BiH
- c. Zajedničke komisije za ekonomske reforme i razvoj
- d. Zajedničke komisije za evropske integracije
- e. Zajedničke komisije za administrativne poslove
- f. Zajedničke komisije za ljudska prava, prava djeteta, mlade, imigraciju, izbjeglice, azil i etiku.

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda jednoglasno je usvojio izvještaje o radu zajedničkih komisija Parlamentarne skupštine BiH za 2008. godinu.

Ad. 22. Izvještaj o radu Vijeća ministara BiH za 2008. godinu

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali zamjenik predsjedavajućeg Vijeća ministara BiH i ministar finansija i trezora Dragan Vrankić i Dušanka Majkić.

Dom naroda je, s devet glasova „za“ i dva glasa „protiv“, usvojio Izvještaj o radu Vijeća ministara BiH za 2008. godinu sa sljedećim zaključkom:

1. Dom naroda usvaja Izvještaj o radu Vijeća ministara BiH za 2008. godinu.
2. Dom naroda nalaže Vijeću ministara BiH da sačini jedinstvenu metodologiju za izradu izvještaja o radu svih institucija BiH.
3. Izvještaje o radu svih ministarstava, direkcija i dr. Vijeće ministara BiH dostavit će Parlamentarnoj skupštini BiH najkasnije do 31. marta tekuće godine za prethodnu godinu.
4. Dom naroda dostavlja mišljenja zajedničkih komisija oba doma Parlamentarne skupštine BiH i mišljenja komisija Doma naroda Parlamentarne skupštine BiH o Izvještaju o radu Vijeća ministara BiH za 2008. godinu, uz sugestiju da navedena mišljenja i zaključci budu uzeti u obzir pri izradi izvještaja o radu Vijeća ministara BiH za 2009. godinu.

Ad. 23. Izvještaj o radu Državne regulatorne komisije za električnu energiju u 2008. godini (podnosilac: Državna regulatorna komisija za električnu energiju)

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali Alma Čolo i Slobodan Šaraba.

Dom naroda jednoglasno je usvojio Izvještaj o radu Državnog regulatorne komisije za električnu energiju u 2008. godini.

Ad. 24. Izvještaj o radu i poslovanju Radio-televizije Bosne i Hercegovine u 2007. godinu

Dom naroda jednoglasno je odlučio raspravu i izjašnjavanje o ovoj tački dnevnog reda odgoditi za sljedeću sjednicu Doma naroda.

Ad. 25. Izvještaj o finansijskom poslovanju Radio-televizije Bosne i Hercegovine u 2007. godinu

Dom naroda jednoglasno je odlučio da raspravu i izjašnjavanje o ovoj tački dnevnog reda odgodi za sljedeću sjednicu Doma naroda.

Ad. 26. Razrješenje Ive Bradvice, ombudsmena za ljudska prava Bosne i Hercegovine, zbog podnošenja neopozive ostavke

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s deset glasova „za“ i jednim „suzdržanim“ glasom, razriješio Ivu Bradvicu dužnosti ombudsmena za ljudska prava BiH.

Ad. 27. Imenovanje tri delegata Doma naroda u Ad hoc komisiju za provođenje procedure imenovanja ombudsmena za ljudska prava umjesto Ive Bradvice

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s devet glasova „za“ i jednim „suzdržanim“ glasom, za članove Ad hoc komisije za provođenje procedure imenovanja ombudsmena iz hrvatskog naroda u Instituciju ombudsmena za ljudska prava BiH imenovao:

- Dragu Ljubičića
- Almu Čolo
- Branka Zrnu.

Ad. 28. Imenovanje tri delegata iz Doma naroda u Ad hoc komisiju za provođenje procedure za imenovanje:

c. Nezavisnog odbora i

d. Odbora za žalbe građana, kao nezavisnih tijela policijske strukture BiH

Predsjedavajući Doma naroda otvorio je raspravu o ovoj tački dnevnog reda. Nije bilo delegata prijavljenih za raspravu.

Dom naroda je, s devet glasova „za“ i jednim „suzdržanim“ glasom, za članove Ad hoc komisije za provođenje procedure za imenovanje Nezavisnog odbora i Odbora za žalbe građana, kao nezavisnih tijela policijske strukture Bosne i Hercegovine, imenovao:

- Hazima Rančića
- Branka Zrnu
- Dušanku Majkić.

Ad 29.-39. Davanje saglasnosti za ratifikaciju

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu.

Dom naroda jednoglasno je dao saglasnost za ratifikaciju:

- Sporazuma o naučnotehnološkoj saradnji između Vijeća ministara BiH i Vlade Crne Gore;
- Sporazuma o finansiranju između Bosne i Hercegovine i Komisije Evropskih zajednica glede prekograničnog programa između Bosne i Hercegovine i Crne Gore za 2007. godinu na osnovu instrumenata za pretpristupnu pomoć, komponenta II – prekogranična saradnja;
- Aranžmana između Vijeća ministara BiH i Vlade Republike Koreje vezano za zajam iz sredstava Fonda za unapređenje ekonomske saradnje;
- Sporazuma između Vijeća ministara BiH i Vlade Republike Bugarske o međunarodnom drumskom prijevozu putnika i robe;
- Sporazuma između Kraljevine Belgije i Republike Albanije, Bosne i Hercegovine, Republike Hrvatske, Bivše Jugoslavenske Republike Makedonije, Republike Moldavije, Crne Gore, Republike Srbije i Misije za privremenu upravu UN-a na Kosovu, u ime Kosova, u skladu s Rezolucijom Vijeća sigurnosti UN-a 1224 o privilegijama i imunitetima Sekretarijata Sporazuma o slobodnoj trgovini u Centralnoj Evropi;
- Ugovora o izvedbama i fonogramima Svjetske organizacije za intelektualno vlasništvo;
- Ugovora o autorskom pravu Svjetske organizacije za intelektualno vlasništvo;
- Sporazuma o zajmu između Vijeća ministara BiH, Vlade Federacije BiH i Vlade Republike Srpske i Izvozno-uvozne banke Koreje (Vladina agencija za EDCF) - Projekat modernizacije bolnica u Bosni i Hercegovini – Faza II;
- Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta, Finansiranje sistema otpadnih voda u općini Široki Brijeg;
- Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta, Finansiranje sistema vodosnabdijevanja u općini Ljubuški;
- Sporazuma o sredstvima zajma između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta, Finansiranje sistema otpadnih voda u općini Fojnica.

Sjednica je završena u 18,15 sati.

Sastavni dio ovog zapisnika je neautorizirani transkript 28. sjednice Doma naroda.

SEKRETAR
DOMA NARODA
Marin Vukoja

PREDSJEDAVAJUĆI
DOMA NARODA
Ilija Filipović, dipl.iur.